


Appenzeller Brauchtum



„Öse Herrgottstag“ 1969 Restoni Räss



Öse Herrgottstag

1969

Ganz o-begriflig chots mer vor...
-ond deer au- allerwege,
ass am Fronlichnam s'hüürig Johr...
moss schneie – ond au rege!

Es wär doch alls so schö z'weg- g'richt ...
z'Ehr Gottes – Laub ond Böge,
jo trotz em schlechte Wetterbricht...
hends g'schafft dra – viils hend möge!

Au d'Fraue – mit de Landestracht...
hend g'wöss s'schönscht welle büüte,
seis schwarz – seis farbig – is e Pracht...
ond g'fällt au allne Lüüte!

De Mensch – er denkt – Gott aber lenkt...
nüd s'“pompös“ Fescht get Sege...
Wenn s'Volk i Demuet nedersenkt...
denn lot „ER“ – nomme rege!

